

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA**

Broj: T04 0 KT 0056693 24

Zenica, 10.10.2024. godine

**OPĆINSKOM SUDU U VISOKOM**

- Sudiji za prethodno saslušanje –

**VISOKO**

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

**O P T U Ź N I C U**

**Protiv:**

1. **F. M.**, neosuđivan,
2. **B. A.**, neosuđivan,
3. **B. N.**, neosuđivan,
4. **F. A.**, neosuđivan,
5. **M. B.**, osuđivan.

**Što su:**

Dana 10.01.2024. godine, oko 17,40 sati, u mjestu V.P., grad V., zajednički i dogovorno, svjesni da fizičkim napadom na Dž.V. mogu istom nanijeti teške tjelesne ozljede, a što su i htjeli, kada je na poziv F.M., zbog navodnog ranijeg nesporazuma, došao na navedeno mjesto, na to mjesto su se u dva vozila dovezli, i to: u vozilu ..., F.M., njegov sin F.A. i M.B., i u vozilu „...“, stranih registarskih oznaka, B.N. i njegov sin B.A., da bi potom svi izašli iz ovih vozila, pa kada je iz svog vozila izašao Dž.V., istom prišao F.A., te ga snažno udario zatvorenom pesnicom u glavu u predjelu nosa od kojeg udarca je ovaj pao na asfalt, nakon čega su ga svi ostali nastavili udarati nogama i rukama po cijelom tijelu nanijevši mu tom prilikom tri teške tjelesne ozljede u vidu preloma na očnim orbitama, obostrano bez pomaka ulomaka, prelom tri zuba i prelom nosnih kostiju i nosne pregrade sa pomakom ulomaka, da bi potom svi pobjegli sa lica mjesta,

čime su počinili krivično djelo teška tjelesna ozljeda iz člana 172. stav 1. u vezi sa članom 31. KZ F BiH.